

114



昇元寺 亦名瓦棺寺

昇元寺即瓦棺寺也在城西隅瞰江面後踞崇崗最為古

迹累經兵火略無髣髴李主時昇元閣猶在乃梁朝故物

高二百四十尺太白詩所謂日月隱簷楹是也此說見今西

南隅戒壇乃是故基南唐將歸我 宋數年前昇元寺殿

基掘得石記乃詩識其辭曰若問江南事謂王師甲不憑抱

雞昇寶位謂李煜丁酉年生也走犬出金陵謂王師甲子建居南極

乃曹彬列城南子建也 安仁東夜燿謂諸美恐有伏東陵驕小女騎

虎渡河冰錢淑以成寅年入朝盡賦瓦棺寺之名起於西

晉長興年中長沙城阿陸地生青蓮西采民間問之官司

掘得一瓦棺開見一僧形貌儼然其花從舌根頂願生出

晉志帝有永興
長興有建興而各
長興亦後唐明宗

此有長與年并耳
比悲何水與誤

詢及父老父老曰昔有一僧不說姓名平生誦法華經萬
餘部臨死遺言曰以瓦棺葬之此地所司具奏朝廷乃賜
建蓮華寺五代兵火焚之李太白登瓦棺閣極眺金陵城
云鍾山對北戶淮水入南襟漫漶雨花蔭嘈嘈天樂鳴西
廊振法鼓四角吟風簫香出霄漢上仰攀日月行山空霸
氣滅地苦寒陰生寥廓雲漢晚蒼茫宮觀平門餘閣闕寺
樓識鳳凰名雷作百山動神扶萬拱傾靈光何足貴長此
鎮吳京

大愛敬寺

梁武帝普通元年造在蔣山之北高峯上唐乾符間重修
廣明元年改為廣明愛敬禪院南唐改廣孝禪院 本朝

開寶七年移額入城中今壽寧寺是也李建勳愛敬寺詩
略云雲散經窓濕山清石路香

法寶寺

亦名臺城寺

梁同泰寺基之半也建康寶錄梁武帝大通元年創同泰
寺處宮陵別開一門名大通門對寺之南門樣久帝晨

夕講議多遊此門偽吳順義二年置為臺城千福院
本朝改賜今額寺前有醜石四各丈餘高俗呼為三品石
致和間取歸京師其寺今在城址

法光寺

今名鹿苑寺

即梁之蕭帝寺舊傳天監十三年造元絳寺記云不知從
昔之名故後人以帝氏目之南唐保大間重修後主易名

有初法師者業結茅庵於山下日夜誦法華經有一女即
來聽移時方去師訝之因問其住止女曰兜東海龍女遊
江淮間聞師誦經來聽之師曰此山之水汝能神變為我
開一泉可乎女曰此固易事容兜歸白父言說不見數日
後忽作風雷良久有清泉湧於座中南唐保大中以久旱
祈雨於舊寺基信宿而雨作自後以為祈禱之所 本朝
治平改賜祈澤治平寺許堅嘗有二詩其後王荊公題云
高人遺蹟空佳句誰識旌陽後世孫

鐵索寺

蔣山上明慶寺後別有小嶺碧石青松幽邃如畫世人呼
為屏風嶺有高僧隱於此忽聞絲竹之音俄而有清泉一

派莹徹其滑有積年疾者服之愈梁已前嘗取給御厨水
俗呼為八功德水楊脩有詩云翠壁如屏旱不枯一泓其
滑飲醍醐高僧到此聞絲竹還有金鱗對躍無

佛窟寺

城南二十里牛頭山下有深坑言是辟支佛窟寺記本沙
門道慶禪房梁天監年中司空徐慶造寺因名曰佛窟楊
修有詩云叢事何人為證明白雲深鎖翠微坑已開過去
辟支佛未見當來彌勒生

普濟寺舊名頭陀寺

梁頭陀寺也建康寶錄梁武帝大同元年置頭陀寺說舍
人石興造寺在蔣山頂第一峰後移置山下 本朝治平

中改賜今額殿後有應潮井其水與江湖相應及有梁昭明太子讀書臺在其西即普通元年所置大愛敬寺基也

淨妙寺舊名齊安寺

南唐昇元中達額曰齊安本朝致和五年改賜淨妙舊臨官路今移置高壠面秦淮王荆公齊安寺詩刻云日淨山如染風暄草欲薰梅殘數點雪麥漲一溪雲去城四里

寶林寺

舊經云本同行寺梁天監中武帝與寶公同遊此山見林壑殊勝命建精藍因以同行為額亦名聖遊寺唐會昌中廢偽吳太和中復建後改為秀峰院南唐保大元年重修本朝嘉祐中改賜今額有琪樹在法堂前梅摯詩其略云

影借金田潤香隨壁月流遠疑元帝植近想誌公遊建炎間樹為兵火所焚今寺屬寶林山

寶乘院亦名草堂

齊草堂寺也寺乃齊周顒隱居之所顒後出仕孔稚圭作止山移文以譏之高僧傳云時有釋慧約姓婁少達妙理顒素所欽服迺於鍾山舊館造草堂寺以居之今寺左乃婁約置臺講經之地寺後即顒舊居也王荆公草堂寺詩云周顒宅作阿蘭若婁約身歸宰堵坡唐會中寺廢本朝復建治平間改賜今額隸鍾山鄉去城十里

聖湯延祥寺

隸湯山下舊有湯泉十所今存者六唐德宗時韓晉公漢

為浙江觀察使漢小女有惡疾浴於湯應時而愈乃以女
粧奩建精舍於湯山之右且求僧以主寺事時得竹林寺
一市盡毒藥僧遠近賴之多獲全濟故其藥至今以溫湯
為名按唐書滉觀察浙江在貞元已前寺之建當在建中
興元間而圖經乃云咸通十二年韓公置精刹咸通蓋懿
宗年號是時晉公已亡也

景德寺

偽吳始名崇孝寺 本朝景德中改賜額建炎元年以其
地改充太廟今隸嘉瑞坊

長干寺 今名天禧寺

丹陽記大長干寺道西有張子布宅在淮水南對瓦棺寺

南張侯橋也長干是秣陵縣東里巷名江東謂山隴之間
曰干運康南五里有山岡其間平地度民雜居有大長干
小長干東長干並是地名小長干在瓦棺寺南巷西頭
出大江梁初起長干寺按塔記在秣陵縣東今天禧寺乃
大長干也 昔有并州胡謫阿死經七日更生云見觀音之荆
杖日格下卅陽會稽首阿育王塔悲禮拜之荆
公有詩云梵館清閑側布金小塘回曲翠文深柳稍不似
千絲直荷葉相依萬蓋蔭淡々峯雲相上下翻々沙鳥自
浮沉竊人樂此忘歸意忍向西風學舊吟

蘇仁寺

南唐古寺基也保大年中昇州特進守司徒致仕鍾山公
李建勳嘗捨莊田入寺後廢 本朝撥賜地基起興慈禪

院咸平初李建勳女潤州本起寺住持臨壇精律大德尼
進暉申明乞以故父李相公舊所施莊田入興慈寺至今
供常住也咸平後改承天寺崇寧間又改天下承天為能
仁寺 真宗皇帝賜昇州法主圓覺大師賜紫德明七言
二韻詩一首詩曰精勤演律達真風釋子南禅道少同
多長老 禪師 興旨登蹄悟佛理慧燈廣布九園中
安蹟令 藏本寺

寺院門第十一終

廟宇門第十二

吳大帝廟

隸府城西門外今廟庭即當時舊宮也唐大中初邑人台
州永寧簿周知業以家資重修建炎間兵火廢毀其地在
石頭城清涼寺之西今去府七里楊修有詩云古木陰森
廟窳然龍盤虎踞舊山川當時吳足一場夢空裏旋風飛
紙錢

蔣帝廟

帝即後漢秣陵尉蔣子文金陵圖經云漢末子文為秣陵
尉逐盜鍾山北傷額而死嘗自謂骨貴死當為神及吳大
帝遷都建鄴子文乘白馬執白羽扇見形故吏白吳大帝

立廟不爾百姓大疫權猶未信翌日復見於路云當令飛
虫入人耳後如其言帝乃立廟于鍾山封子文為蔣侯權
避祖諱因改鍾山曰蔣山晉蘇信之難鍾山神同蔣侯為
助且曰蘇峻為逆當共誅鋤之後果斬峻按社祐通典宋
高帝永初二年普禁淫祀自蔣子文祠以下皆絕孝建初
修復加蔣侯爵位至相國大都督中外諸軍事明帝初四
方兵起求救於神遂封為蔣王齊永明中崔慧景之難迎
神還臺以求福助事平授以帝位又按南史梁武帝天監
六年旱甚詔祈蔣侯求雨十旬不降帝命載荻焚其廟當
神上俄有雲如繖候忽驟雨如馮臺中宮殿振動帝懼馳
詔追停少時乃靜自此帝益畏信是時魏軍圍鍾離蔣帝

神報 必許扶助既而無雨水長遂挫敵人凱旋之後廟
中人馬脚盡泥濕當時自覩馬齋 封以帝號於是廟
門為靈光之門中門為興善之門外殿曰帝山內殿曰神
居西閣有佛殿名靈鷲東閣即子文所居也南唐追謚曰
莊武帝更修廟宇開寶八年焚毀雍熙四年邑人張華於
舊基重建景祐二年知府陳待制執中復增修之 朝廷
賜廟額曰愍烈政和八年本縣復加修飾有南唐及景祐
政和廟記可考今隸蔣山之址去城十二里

晉元帝廟

舊在卞將軍廟側今移在嘉瑞坊城隍廟之左

武烈帝廟

舊經云隋司徒陳果仁有戰功唐封忠烈公偽吳武烈王
本廟在江夏

楚平王廟

吳越春秋云楚平王都於固城廟今在溧水縣南九十里
昔周成王封熊繹子男之田於蠻荊之地至莊王時賜姓
為芊楚音氏至靈王立與敵日尋干戈邊鄙不寧時吳軍
失利乃陷瀨渚至平王用佞臣之言殺太傅伍奢并其子
尚子胥奔吳吳用之破楚而入郢此廟即平王之舊趾也
唐廣明元年重修

晉謝將軍廟

即晉謝玄也咸通九年置開寶四年重修在府城西南三

里

晉卞忠正廟

晉尚書令贈侍中驃騎將軍卞壺謚忠正蘇峻之亂興其
二子力戰死之葬吳冶城今天慶觀乃其地也後七十餘
年盜發其墓尸僵如生鬚髮蒼然爪甲穿手背安帝賜錢
十萬封之入梁復毀武帝又加修治李氏有江南達忠正
亭於其墓穿地得新碑公名在焉徐鍇實謂之識 本朝
慶曆中知府事龍圖閣直學士葉公清臣又封墓刻石表
之改亭名曰忠孝取其母之言曰父為忠臣子為孝子也
又五十年左丞葉公夢得來守是邦即亭為堂圖公像列
之常祀春秋祠焉乃為之記

晉蔭山廟

在縣南向西十二里舊經云建武中丞相王導於崗阜間
隱約見數十步騎駐立於巖上導怪之使人致問俄失其
所夜見夢於導曰我乃陰山神也昨隨帝渡江寓泊於晨
見之所卿為我置祠當福晉祚導乃以其事聞上置廟於
此仍名其崗為陰山楊修詩曰爐香烟斷暮雲凝陰德山
高衆所稱開府琅邪舊蒙福龍飛一馬至中興

梁祈澤夫人廟

梁置今隸祈澤寺之側舊經云有初法師者常講法華經
於山中有女即來聽初問之荅曰兎東海龍王女也師告
以山中乏水後數日忽聞風雨暴作向曉有泉出於座下
後遂為水旱祈禱之所因號祈澤夫人紹興元年旱禱有
應本府狀其事于 朝且言已有祈澤夫人之禱因賜廟
額曰嘉惠今去城二十三里

清溪夫人廟

按輿地志清溪岸側有神祠世謂清溪姑南朝甚有靈驗
常見形於人祠今與上水閣相近說者云隋平陳斬張麗
華孔貴妃於青溪柵下今祠像有三婦人乃青溪姑與二
姑也

潘真君廟

舊經云昔潘氏兄弟三人於此山中得道化白鶴冲天後
人思而立廟在溧陽縣東南六十里三鶴山下

茅君白鶴廟

茅山白鶴廟記云此廟即祠三茅君之所也竈旌屢降鶴駕時逢茅君分理於赤城玉洞每年以十二月二日駕白鶴於此會諸真君故名焉在白谷縣東南三里

荆將軍廟

舊經云荆軻廟也烈士傳曰昔左伯桃羊角哀往楚併糧于梁山左伯桃死而角哀乃厚葬伯桃於梁山下一夕角哀夢伯桃告曰幸感所葬奈何與荆將軍墓相鄰每地下與吾戰為之困迫今年九月十五日將大戰至時望子借兵馬於塚上叫噪相助角哀覺而悲之如期而往曰今在塚上安知我友地下之勝負焉乃命開棺自劍而死報

併糧之義也廟在溧水縣南四十五里

茅司徒廟

按稽神錄云浙西僧德林少時遊舒州路見一夫荷鋤治方丈之地左右數十里不見居人問之對曰頃時自舒之桐城至此暴得疴疾不能去因卧草中及稍醒已昏矣四望無人惟虎豹吼叫自分必死俄有一人部從如大將至此下馬良久召二卒曰善守此人明日送至桐城下遂上馬去倏忽不見惟二卒在焉某即強起問之荅云此茅將軍也常夜出獵憂汝被傷故使護汝更欲問即曰已出矣不復見其二人即起而行意甚輕健至桐城頃之疾愈以所見之處立祠祀之德林止舒州十年及迴則村落皆立

茅將軍廟今俗呼茅司徒在溧陽縣東門外一里

菩提王廟

神即楚大夫靳尚也今在攝山按神錄楚靳神居臨沂縣
舊經云齊永明有法度禪師諱經於攝山常患山路踈踈
僧後瘦於往來神為平治之法度因為凌菩提戒立祠於
彼故世號菩提王江總棲霞寺碑云梁大同元年一日神
又見形著菩提巾披袈裟容止甚 乘入禪堂請寺衆說
法廟舊在山前今移置棲霞寺門之右

二判官廟

舊經云本廷祚院土地神唐會昌中寺廢景福二年神託
夢於里人曰我二判官也父為廷祚寺伽藍今已遷次於

寺可為我置祠當福於爾既而夜見火光連天人即潛於
光所窺見矩窻焚 焉因就其地建廟而祀之在府西門
東

楚靳尚廟

攝山記云楚靳尚以諫殺屈原為所譏作一大蟻穴在山
後人為之立廟楊修有詩云汨羅魚腹葬靈均競渡如飛
不救人天意明知說口毒果遭天譴作蛇身

五龍堂

府城西門外古太一觀基也南唐保大八年改為舞雩祠
十三年有玄元尊像一木自江中流泛及岸而止道衆
接入堂供事之徐鉉嘗作記述其事

興德王廟

偽吳天祚二年李先主昇夢中見其神因立廟祠今廢其地在鍾山蔣帝廟之北去城十三里

炳靈公廟

南唐傳外詳也偽唐昇元中置按五代史後唐長興四年封東嶽三郎為威雄將軍大中祥符元中奉勅封炳靈公廟在府城新

橋之西

張僕射廟

舊經云唐天祐中有清河張司徒者營建金陵百姓懷而祀之今呼張僕射廟之北相去四里有南唐張勳公墓道或云僕射即勳公也名君詠字德之嘗為特進太子太

傅初不曾任司徒其說未詳今府城西門外十里

墳陵門第十三

大帝陵

吳志神鳳元年大帝崩葬蔣陵按樂史寰宇記在縣東北
蔣山八里卅陽記云蔣陵因山為名輿地志云九日臺當
孫陵曲折之傍故名蔣陵亭晉蘇峻之亂王師敗績于西
陵即此地也今蔣廟相對向西有曰孫陵岡是為蔣陵

吳步夫人陵

吳志赤烏元年追拜夫人步氏為皇后後合葬蔣陵今蔣
廟西南有孫陵岡上有步夫人塚口之側有夫人塚乃其
地也

吳宣明太子墳

吳志孫權皇太子登謚宣明太子初葬句容後三年移葬鍾山西蔣陵

吳甘寧墓

伏滔記吳將甘寧墓在直瀆之下俗云墓有王氣孫皓惡之鑿其後為直瀆溫庭筠過吳主陵詩略云虛室直瀆三十里青蓋何曾到洛陽蓋譏之也

吳葛仙公墓

吳太極左仙翁葛玄墓在句容縣西南一里郡國志云句曲有葛玄塚

晉元帝陵

建康實錄晉元帝永昌元年春葬建平陵在雞籠山之陽

不起墳

晉明帝陵

建康實錄晉明帝太寧三年葬武平陵在雞籠山之陽不起墳

晉成帝陵

建康實錄晉成帝咸康八年葬興平陵在雞籠山之陽與元帝同處不起墳

晉康帝陵

建康實錄晉康帝建元三年葬崇平陵隸鍾山之陽不起墳

晉穆帝陵

建康實錄晉穆帝昇平五年葬永平陵隸幕府山之陽起墳今幕府山前近西里俗相傳有穆天子墳即其地也

晉哀帝陵

建康實錄晉哀帝興寧三年葬安平陵隸雞籠山之陽不起墳

晉簡文帝陵

建康實錄晉簡文帝咸安二年葬高平陵在鍾山之陽不起墳

晉孝武帝陵

建康實錄晉孝武帝太元二十一年葬隆平陵在鍾山之陽不起墳

晉安帝陵

建康實錄晉安帝義熙十四年崩明年葬休平陵在鍾山之陽不起墳

晉恭帝陵

建康實錄晉恭帝元熙二年葬冲平陵在鍾山之陽安帝同處不起墳東晉十一帝元明成哀四陵在雞籠山之陽康簡文武安恭五陵在鍾山之陽並不起墳今不復可辨惟穆帝一陵在幕府山起墳

晉山簡墓

建康實錄晉永嘉六年征南將軍荊州刺史山簡卒歸葬建康真武湖南覆舟山之陽輿地志云山簡墓在樂遊苑

晉溫嶠墓

建康實錄晉溫嶠初葬豫章朝廷追思之乃為造大墓深葬元明陵北幕府山之陽按晉書嶠拜驃騎將軍開府儀同三司散騎常侍封始安郡公初葬豫章後朝廷追嶠勳德將為造大墓於元明帝陵之北陶侃上表願停移葬詔從之其後嶠妻何氏卒子放之便載喪還詔葬建平陵北即是嶠妻何氏墓非嶠墓也

晉郭璞墓

真武湖中有大墩里俗相傳曰郭璞墓按晉王敦加荊州牧敦將舉兵使璞筮璞曰無成敦怒收璞斬之當時或歸

葬於此

晉竺使君墓

隸金陵鄉張陣湖墓前有二碑以晉書叅考之乃寧朔將軍竺瑾嘗為栢溫部將太和五年破表瑾於武丘

宋武帝陵

建康實錄宋高祖永初二年葬初寧陵隸丹陽建康縣蔣山圖經云在縣東北二十里政和間有人於蔣廟側得一石柱題云初寧陵西北隅以此考其墳當去蔣廟不遠

宋文帝陵

建康實錄宋文帝元嘉三十年葬長寧陵圖經云隸縣東北二十五里與武帝相近今未詳所在

宋文帝袁后陵

南史宋元嘉十七年葬先皇后袁氏於長寧陵長寧即文帝陵也

宋明宣沈太后陵

南史宋明宣沈太后為文帝美人生明帝元嘉三十年葬建康之幕府山今寶林寺西南有墳壠相傳為國娵墳疑即沈后所葬之地

宋明帝陵

建康寶錄宋明帝恭豫元年葬高寧陵隸臨沂縣幕府山西與王導墳相近今山前有墳壠晉穆帝陵在山南或以西為明帝之墓

大司徒甄邯墓

圖經云在縣北七里後湖之側按南史宋張永嘗開真武湖過古塚上得一銅斗有柄文帝以訪朝士何承天曰此斗王莽三公亡皆賜之一在塚外一在塚內時三台居江左者惟甄邯此必邯之墓及啓塚又得一斗復有一石銘云大司徒甄邯之墓今未詳所在

宋謝濤墓

按土山淨明寺新得古碑云宋散騎常侍謝濤元嘉十七年葬於揚州丹陽郡建康縣東鄉土山里

宋謝濤夫人王氏墓

夫人琅邪王氏大明七年合祔于土山里謝濤之墓有古

碑可考夫人之祖曰獻之父曰靜之

真漢君墓

宋書云元嘉七年彭城王義康修東府城塹中得古塚為之改葬使法曹參軍謝惠連為祭文其略云東府掘城址塹八丈餘得古塚上無封域不用執斃銘志不存世代不可得而知也公命城者改埋東岡祭之以豚酒既不知其名字遠近故假為之號曰真漢君云爾

齊明欽劉皇后墓

南史齊明欽劉皇后高帝為明帝納之永明七年葬江乘縣張山今隸淳化鎮之址

齊獻武公墓

隸攝山棲霞寺前明隱君僧紹舊居攝山後因葬此今去城四十五里

梁吳平忠侯墓

南史梁吳忠平侯蕭景字子照謚曰忠墓在花林之址有石麒麟二石柱一題云梁故侍中中撫將軍開府儀同三司吳平忠侯蕭公之神道今去城三十五里

梁始興王墓

南史梁始興王蕭憺謚曰忠武墓在清風鄉黃城村石麒麟四及神道碑云梁故侍中司徒驃騎將始興忠武王之碑今去城三十七里

梁安成王墓

南史梁安成王蕭秀字彥達謚曰康墓在其家巷有石麒麟二石柱一及神道碑二題云梁故散騎常侍司空安成康王之神道南史稱佐史夏侯亶等表立墓碑志王僧儒陸倕劉孝綽裴子野各置其文欲擇用之而咸稱實錄遂四碑並建今所存者二其一已廢滅其一字畫猶可讀乃彭城劉孝綽文也去城三十八里

梁臨川王墓

南史梁臨川王蕭宏字宣達謚曰靖惠墓在址城鄉有石柱碑二題云梁故史黃鉞侍中大將軍揚州牧臨川靖惠王之神道去城三十里

梁建安侯墓

南史梁建安侯蕭正立謚曰敏墓在淳化鎮西宋野石柱塘有石柱二題云梁故侍中左衛將軍建安侯之神道去城三十五里

陳高祖陵

建康實錄陳高祖永定三年葬萬安陵隸縣東南古彭城驛側今縣東崇禮鄉地名陵里有曰天子林其地有石麒麟二里俗相傳即陳高祖墓也去城二十五里

陳文帝陵

建康實錄陳文帝天康元年葬永寧陵隸縣東址陵山之南今鴈門山之址

左伯拋墓

烈士傳曰左伯桃羊角哀燕人也二人為友同時遊學聞
楚王待士乃同入楚至梁山值雨雪糧少伯桃乃併糧與
角哀令往事楚自入於空樹中餓死角哀至楚為上大夫
乃告楚王備禮葬左伯桃於此唐大曆六年魯公顏真卿
經此以詩弔之書於蒲塘在梁水縣南四十三里

雙女墓

雙女墳記曰有鷄林人崔致遠者唐貞符中為溧水尉常
憩于招賢館前岡有塚踰曰雙女墳詢其事迹莫有知者
因為詩以弔之是夜感二女至稍譏曰地太宣城郡開化
縣馬陽鄉張氏二女少親筆硯長負才情不意為父母匹
于鹽蒿小豎以此憤恚而終天寶六年同葬於此宴語至

曉而別在溧水縣南一百一十里

南唐張懿公墓

公名君詠字德之有神道碑題云大唐順天翼運功臣特
進守太子太傅上柱國清河郡開國張懿公神道去府城
十里在石頭城後

南唐李順公墓

公名金全字德鏐有神道碑題云唐故開府儀同三司檢
校太尉兼侍郎中贈中書令李順公神道在城西金陵御
七里舖

南唐高越墓

攝山棲霞寺舊門外北山之麓有石題云侍郎高府君墓

去縣四十五里

墳陵門第十三終

碑刻門第十四

國山碑 亦書

吳孫皓封禪碑在常州宜興縣封禪山磨崖而刻今尚

吳天璽元年紀功三折石碑皇象書

晉侍中右光祿大夫西平靖侯顏公大宗碑公名含字弘都今在府學顏真卿書

晉右光祿大夫西平靖侯顏府君碑真卿書今在府學

晉建威將軍思平縣侯空使君銘在金陵鄉張陣湖

晉建威將軍思平縣侯空使君頌在張陣湖石槓斷

宋謝濤夫人王氏墓 在土山淨明寺後菜園中今移在

上元縣

齊侍中尚書令巴東獻武公碑在黃城村梁普通三年

梁侍中司徒驃騎將軍始興忠武王碑徐晃造貝義淵書
在清風鄉黃城村

梁散騎常侍司空安成康王碑劉孝綽撰貝義淵書在清
風鄉甘家巷

元縣
梁永陽昭王墓誌銘徐勉造在清風鄉居民井側今在上

梁永陽敬太妃墓誌銘徐勉造在清風鄉路傍

梁臨川靖惠王神道碑在土城鄉

梁侍中吳平忠侯蕭公神道碑在清風鄉花林村

梁建安敏侯神道 在鳳城鄉淳化鎮西

梁上清真人許長史舊館壇碑丹陽陶弘景撰并書

梁普通三年五月五日記唐紫陽觀主劉行矩等重勒在

句容縣玉晨觀

陳江總棲霞寺碑在攝山

陳宮井欄題刻在法寶寺之西邦人云字漫滅惟戒哉二
字可辨今不知其所

平陳碑隋薛道衡撰文虞世南書在石頭城西

大唐高宗明徵君碑在攝山棲霞寺高宗撰高正臣書

大唐棲霞寺齋會記大和五年立

大唐棲霞寺律太師碑大曆四年立

大唐重建開善寺記在蔣山寺

大唐王清觀四 碑開元十五年立陶巨莊書碑石損折

今置崇禮卿玉清觀基上

梁永陽昭王墓誌銘徐勉造在清風卿居民井側今在上元縣

大唐沈傅師齋源徐鉉題名在棲霞寺千佛嶺

大唐王法王碑鳳閣侍郎同鳳閣鸞臺三品私文館學士劉稭之文唐文明元年立在茅山崇玄觀

大唐紫陽觀碑太子右諭德鉉文尚書虞部郎中楊元鼎書并篆額在茅山玉晨觀

大唐玄靖先生李含光碑湖州刺史魯郡公顏真卿文并書在玉晨觀

大唐道場茅山孫尊師詩碑唐司空兼門下侍郎平章事

李德裕述前知益鐵轉運使上柱國裴質方書在玉晨

大唐三洞景祐大法師帝君碑檢校國子司業吳縣開國

男陸長源文檢校尚書兵部郎中兼侍御史竇書并篆

額唐貞元三年立在玉晨觀

大唐卞泊宮記視察判官監察御史兼行王師簡文私文館校書郎既令締篆額在玉晨觀

大唐許真人井銘徐鉉文并書在玉晨觀

大唐祠宮白鶴廟記大曆十三年三月立尚書水部員

外郎河東柳識文筆湯崖含退士中山劉明素書在鴻禧

院

大唐義女碑李白文在溧陽縣瀨陽江址

偽吳興化院銅鍾鑄文徐溫鑄在丹陽鄉香林寺

偽吳矜石鑄文順義元年鑄在清安鎮

南唐方山寶華宮碑在方山崇真觀

南唐開元觀請鐘記在崇真觀

南唐寶華宮功德什物記在崇真觀

南唐李順公神道碑高越書在石頭城後

南唐蔣莊武帝廟碑徐鉉撰朱銳書圖經已亡今碑石在

蔣廟門外此圖經之誤也

南唐夫人易氏墓誌銘在土山淨名寺

南唐李後主祭悟空禪師文并親書德慶堂三字在清涼

寺

南唐開善寺井記在蔣山寺

南唐義井欄刻字在石頭城後七里鋪

南唐僧用虛棲霞寺詩在本寺千佛嶺寺殿記在本寺高

陟撰

景祐重造蔣廟碑凌陽景撰今置蔣廟庭下

惠烈廟記在蔣廟曹熙立

蔣廟篆祭文蔣堂文劄必篆今在廟中

道光泉記王安國撰在蔣山寺

八功德水記梅擊撰在蔣山悟真庵後

蔣山大平興國寺莊田記僧贊元立

蕭帝寺記元絳撰在法光寺今名鹿苑寺

子德堂記梅摯撰在法光寺

白雲庵記王安國撰在棲霞寺

寶禪師記錄序米芾書在惟政鄉半山寺

宋齊丘鳳臺山詩刻在保寧寺

溧陽長潘元卓校官碑今在溧水縣

篆碑附此

碑刻門第十四終

高陽許嵩作建康實錄文多汗漫參考者於省閱新安張養正稟舊史而為六朝事迹編類部居粲然俾江左三百餘年之故實昭布方冊非博雅好古未易成此書也余叨守建康養正適以議即居幕府因取其書刊於此邦養正名敷願妻壽候伴以文章道義為學者之所矜式此特餘事爾

紹興庚辰立冬日東魯韓仲通書